



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

IV. Alfridus

[urn:nbn:de:hbz:466:1-64252](https://nbn-resolving.org/urn:nbn:de:hbz:466:1-64252)

836. 12. Februarii, in templo S. Cæcilie, seu sacello
Aulæ Episcopalis apud Prædecessorem tumultus.

III. EBBO prius Archi-Episcopus Remensis
à Paschali Pontifice ad Evangelium in Septentrione
prædicandum ablegatus; cum S. Anschario Archi-
Episcopo Hamburgensi & Bremenfi, fidem Catholi-
cam in Daniam, Sueciamque invehere allaboravit.
Deinde S. Anschario agente, & Ludovico Imperatore
annuente ad Infulam Hildesensem promotus est.
Obiit Anno Domini 847. 20. Martii Episcopatus sui
duodecimo, apud Prædecessores suos in templo S.
Cæcilie terræ mandatus.

IV. ALFRIDUS ex illustri Comitum de A-
sne de prosapia oriundus, ob admirandam cum vitæ
sanctimonia conjunctam eruditionem & prudentiam
ex Corbeia postulatus est in Episcopum Anno 851. A. D.
852. Concilio Moguntino interfuit, & cum Ludolfo
Saxonie Duce Parthenoni in Brunetheshusen initium
dedit. Anno 860. bellum inter Carolum Francie, &
Ludovicum Germanie Reges Fratres, Ludovici Pii
filios feliciter composuit, arbiter & fœderis conser-
vator electus. Anno 868. in Concilio Wormatiensi an-
te omnes Episcopos eminuit. Anno 870. Carolum
Francie Regem, qui per Lotharii Nepotis obitum
Lotharingiam invaserat, autoritate sua ad abceden-
dum permovit. Aucto jam Fidelium numero, Cathe-
drale templum, perystilium, aliaque ædificia à fun-
damentis erecta absolvit, & præsentibus inter alios
S. Remberto Archi-Episcopo Hamburgensi & Bre-
menfi, Luithardo Paderbornensi, & Theodorico Min-
densi Episcopis consecravit, Anno 872. In quibus Ca-
noni-

nonici cum eximiopietatis fervore, & disciplinæ vigore, Religiosorum instar, summa cum laude vixere. Aliud præterea Monasterium Seligenstadii, & Collegium Virginum in Asnede, seu Essendiæ construxit ac fundavit. Tandemque plenus dierum, operumque bonorum ad Superos abiit Anno 876. 15. Augusti: ejus corpus in templo SS. Cosmæ & Damiani ab ipso condito Essendiæ requiescit miraculis clarum.

V. MARQUARDUS Alfrido successit mirâ morum suavitate, animi candore, & pacis studio conspicuus. Quarto & ultimo Episcopatus sui anno: cum Nortmanni & Dani Religionem à S. Anschario in regnum suum invecram exosi Saxoniam incumberent certi cis & trans Albim omne Christianum nomen excindere; Bruno & Tanquardus Saxonum Duces collegere subjectarum nationum vires, ut vel hostium furorem reprimerent, vel fidem DEO datam vitâ & sanguine consignarent. Convenerunt ad castra Marquardus Hildesienfis Episcopus & Theodoricus Mindensis Episc. Cum aliis primoribus & Capitaneis Saxonum: qui in loco Ebbeckstorff cum hoste congressi, generosè quidem ejus imperus diu retuderunt, sed multitudine tandem obruti, cum Brunone Duce interneccione deleti sunt, & à Majoribus inter Martyres recensiti. Hos inter & Marquardus gloriosè occubuit Anno 880. 2. Februarii.

VI. WIGBERTUS Religionis studio, verbi Divini prædicatione, Sacramentorum administratione, infirmorum visitatione, animarum, corporumque medicandorum peritiâ, librisque ea de re conscriptis clarissimus. Anno 887. Stephanus VI.
Pon-